

嶺北西京留守夾谷清神索

東海踈狂猶目斷西京留守未心開去年奉勅三冬往今夏齋
書九月來北地官榮何日罷南山道隱幾時迴直須早作彭城
計燕國家風自不墮

彭城乃海
蟾公也

易州西山睽公堂

高高雲外睽公堂閃閃雲霞照洞光千仞峯巒排左右萬株松
栢互低昂山翁不解談今古野客時來講混茫休道一生空打
坐也勝塵世走忙忙

福山縣黃籙醮感應

并序

明昌甲寅秋九月建黃籙於福山縣二十八日午後將傳符

道藏輯要

福溪集

三

又胃集三
川上上

受戒有鶴十一翺翔乎壇上終夕不去越一日設醮聞天關
震響北極下紅光燭地可辨纖悉士民靡不見者

華燈照耀積金山人在蓬壺咫尺間下士傾心開地府高真威
力動天關千門列祭嚴香火萬口同聲啟笑顏三界十方功德
備彩雲仙鶴自迴還

承安丁巳冬至後苦雪時有事北邊

冬前冬後雪漫漫淑氣銷沈萬物乾出塞馬驚山路險防邊人
苦鐵衣寒雖愁海北邊靈苦幸喜山東土庶安日費國資三十
萬如何性命不凋殘

平山堂

四首棲霞
大虛觀也

年年三伏上平山山上遊人絕往還日視青霄雲澹澹身橫碧
落性閑閑孤高迥出林巒表曠望殊非海岱間白日紅塵車馬
客誰能到此一凭欄

山堂高潔倚天涼天外清風入坐長青鳥有時來顧盼白雲終
日自飛揚金壇玉宇知何在絳闕瓊樓古未詳爭似山家休歇
去身心不動到仙鄉

山堂書靜客來稀市坐亭亭列翠微碧漢無瑕紅日轉青山不
動白雲飛參差萬有彰神化渺邈三靈合範圍終始蓋由清淨
道人能天地悉皆歸

三竿紅日眠猶在十里青山坐對閑不覺人來幽圃外時驚犬

道藏輯要

潘溪集

古

又胃集三

吹白雲間無心自得成長往了一何須問大還只恐逡巡下天

詔悠揚無計樂平山

聊戲之耳

海上觀濤

大風時起北溟寒萬里驚濤靦雪山怒色衝天昏氣象雷聲出
地駭塵寰江神洶浪潛輪欵河伯威靈溢汗顏白馬素車空有
勢非仙無路可躋攀

題諸潘菴

登郡西南十里餘大開泉石致幽居山深海闊相依映地僻雲
閑任卷舒爽道清池通熠燿倚天高柳挂蟾蜍鳴琴坐對煙霞
客笑指勞生一夢虛